



Andoaingo Udala

HEZKUNTZA ETA KULTURA

Kodea:

2026AAH20032

Lankidetza Hitzarmena Convenio de Colaboración

Espediente zk.: 2026AAH20032

Gaia: DIRULAGUNTZA 2026. Urterako

Eskatzailea: LURPEAN GORDETAKO HISTORIA OROITUZ ANDOAINEN ELKARTEA **IFK:**
G20912564

ZUZENeko DIRU-LAGUNTZA NOMINATIBOA EMATEKO HITZARMENA

Andoainen, sinaduraren datan.

BILDU DIRA:

Batetik, Marta Lasa Goñi and., Andoaingo Udaleko Hezkuntza eta Kulturako Zinegotzi Ordezkarari gisa.

Bestetik, Rosa M^a Arteaga Mendizabal and., adinez nagusia eta ***3250** zenbakidun NAN duena, Lurpean gordetako historia Oroituz Andoainen elkartearen lehendakari gisa.

Bertan da baita ere Udaleko Idazkaria den Unai Rekondo ekintzaren fede emateko.

PARTE HARTZEN DUTE

Lehenengoak, Andoaingo Udalaren izenean, Alkateak emaniko eskuordetzaren ondorioz jasotako eskumenak baliatuta.

Bigarrena, Rosa M^a Arteaga Mendizabal and., bere izenean, eta Lurpean gordetako historia Oroituz Andoainen Taldearen ordezkari, IFZ. G20912564 duena, eta helbidea Zumea Kalea 22-4E, 20140 Andoain (Gipuzkoa).

Bi aldeek elkarri nahiko gaitasuna aitortzen diote hitzarmen hau sinatzeko eta horretarako honakoa adierazten dute:

Aurrerakinak:

1. Lurpean gordetako historia Oroituz Andoainen Taldeak interesa duten kultur jarduerak egiten dituela eta Kultura ekimenak eta herritarren esku-hartzea bultzatzen duen kultur erakundea dela.
2. Lurpean gordetako historia Oroituz Andoainen Taldeak herriko kultur sustapenean biziki laguntzen du, herrian jarduerak programatuz.
3. Hitzarmen honen helburua Lurpean gordetako historia Oroituz Andoainen Taldearen eta udalaren arteko harremana erregulatzea da, 2026. urteko kultur jarduerak egiteko.



Andoaingo Udala

HEZKUNTZA ETA KULTURA

Kodea:
2026AAH20032

Lankidetza Hitzarmena Convenio de Colaboración

4. 2026/06/01eko datarekin, Lurpean gordetako historia Oroituz Andoainen Elkartek 2026. urterako prestatutako plangintza edo programa aurkeztu zuen. Burutu nahi dituzten jarduerak martxan jartzeko gastuei aurre egin ahal izateko, 2.800 euro eskatzen dituzte.

5.- Lurpean gordetako historia Oroituz Andoainen Elkartek 2026. urteko jarduerak antolatzeke konpromisoa hartu du.

6. 2026ko Andoaingo udaleko aurrekontuetan, Lurpean gordetako historia Oroituz Andoainen elkartearen izenean, partida bat dago 1.0500.481.338.00.16.2026 zenbakia duena. Onartutako kantitatea 2.353,00 euroakoa.

7. Lurpean gordetako historia Oroituz Andoainen Taldearen proposamena aztertutik, aurkeztutako eskaera ikusita, eta gastuen eta dirusarreraren behin betiko aurrekontua kontuan hartuta, 2026. urteko aurrekontuen kargu, 2.353,00 euroko dirulaguntza ematea onartzea, 2026. urteko jarduera burutzeko.

Azaldutakoaren arabera Andoaingo Udalak eta Lurpean gordetako historia Oroituz Andoainen Taldeak erabaki dute hitzarmen hau sinatzea, eta Hitzarmenak ondorengo klausulei jarraiki arautuko da, bertan jasotzen baitira aldean konpromisoak diru-laguntza ematea burutu dadin.

KLAUSULAK:

Lehenengoa: Hitzarmenaren xedea.

Hitzarmen honen xedea da Lurpean gordetako historia Oroituz Andoainen Taldeak 2026. urtean zehar aurreikusita duen kultur-programa antolatzeke gastuei aurre egiteko Hezkuntza eta Kultura Batzordeak onartutako 2.353,00 euroko dirulaguntzaren baldintzak eta konpromisoak eratzea.

Dirulaguntza hau maiatzaren 27ko 1500/2026 alkatetza dekretu bidez onartu den Dirulaguntzen 2026-2028ko Plan Estrategikoan sartuta dago.

Bigarrena: Aurrekontua eta finantzazioa.

Diru-laguntzaren gehieneko diru-kopurua 2.353,00 eurokoa izango da, udal aurrekontuetako 1.0500.481.338.00.16.2026 partidaren kargura joango dena. Partida hori izenduna izatea aurreikusi da 2026. urterako Andoaingo Udalaren Aurrekontua Orokorrean.

Hirugarrena: Hitzarmenaren iraupena

Lankidetza hitzarmen hau indarrean sartuko da hitzarmena sinatzen den egunetik eta 2026/12/31ean, horren likidazio zuriketa egiten denean amaituko da.



Andoaingo Udala

HEZKUNTZA ETA KULTURA

Kodea:
2026AAH20032

Lankidetza Hitzarmena Convenio de Colaboración

Laugarrena: Andoaingo Udalaren konpromisoak

a) Lurpean gordetako historia Oroituz Andoainen Taldeari 2.353,00 euroko diru-laguntza ordainduko zaio era honetan: 1.411,80 euro (%60), hitzarmena sinatu ondoren, eta dirulaguntzaren diferentzia epean aurkeztu behar duten likidazioa eta zurigarriei oniritzia eman ondoren.

b) Udalak beharrezkoak diren kasuetan udal materiala utziko dio elkarteari.

c) Udalak ekimenak burutzeko beharrezko baimenak emango ditu.

Bosgarrena: Diru-laguntzaren entitate onuradunak harturiko konpromisoak.

Hitzarmen honi jarraiki diru-laguntzaren onuradunak harturiko konpromisoak hauek dira:

a) Lurpean gordetako historia Oroituz Andoainen Taldeak ekimena garatuko du, aurkezturiko dokumentazioaren arabera. Proiektua hitzarmen honekin batera doa eranskin gisa, eta aurreikusiriko epean gauzatuko da.

b) Beharrezkoak diren udal baimenak edo bestelakoak eskatzea.

c) Ordenantzan eta Legean onuradunei ezarritako eginbide guztiak bete beharko ditu, eta batez ere:

- Diru-laguntza eman duen erakundean justifikatu beharko du betekizunak eta baldintzak beteko dituela, hala nola jarduera burutu eta diru-laguntza emateak edo izateak zehazten duen helburua beteko duela.

- Eskumeneko erakundeak egin beharreko egiaztatze jarduerak onartuko ditu, eta eskatzen zaion informazioa ekarriko du.

- Beste diru-laguntza batzuk jasotzen baditu diru-laguntza eman duen erakundeari jakinaraziko dio, hala nola bestelako laguntzak, diru-sarrerak edo diruz lagunduriko jarduerak finantzatzen dituzten baliabideak. Hori guztia jakinaraziko beharko da jakin bezain laster, eta, hala balegokio, hartu beharreko diru-kopuruak kobratuko direla justifikatu aurretik.

- Ordainketak egiteko, zerga-betebeharretan eta gizarte-segurantzaren arlokoetan egunean daudela egiaztatu beharko dute.

- Kontabilitate liburuak izango ditu, tramitaturiko erregistroak eta bestelako dokumentazioa behar bezalako kontu-ikuskaritza eginda merkataritzako eta sektoreko legeak eskaturiko baldintzetan. Izan ere, era horretan helburu da egiaztatze eta kontrol eskumenak behar bezala burutuko direla bermatzea.

- Jasotako diru-kopuruen aplikazioaren justifikazio dokumentuak gordeko ditu, dokumentu



Andoaingo Udala

HEZKUNTZA ETA KULTURA

Kodea:
2026AAH20032

Lankidetza Hitzarmena Convenio de Colaboración

elektronikoak barne, egiaztatu eta kontrolatu daitezkeen bitartean, hau da lau urteko epean zehar, alegia.

d) Jasotako diru-kopuruak itzuliko ditu, baldin eta Legearen 37. artikuluan aurreikusiriko egoerak gertatzen badira.

e) Hizkuntza ofizialen erabileraren alorreko klausulak, 1/88 udal ordenantza, Andoaingo Udalean eta udalerrian euskararen erabilera normalizatzeko arauak ematen dituenak:

Elkarteak argitaratzen dituen idatzi, iragarki, ohar eta gainerako komunikazioak euskaraz edo bi hizkuntza ofizialetan idatzi eta ezagutarazi beharko ditu, eta publizitatearekin ere, ahozko zein idatzia izan, berdin jokatu du.

Halaber, ekitaldi zehatzetan megafoniaz zabaldutako mezuak euskaraz edo bi hizkuntza ofizialetan transmititu beharko dira.

Euskaraz eta gaztelaniaz egiten diren adierazpenetan, eta batez ere ahozkoetan, euskarazkoari emango zaio lehentasuna.

Espresuki haur eta gaztetxoentzat diren mezuak nahiz ekitaldiak euskaraz egingo dira.

Jendaurreko hitzaldi edo antzekoak antolatzen direnean euskara eta beste hizkuntzen arteko oreka bermatuko da. Eskaintzaren erdia, gutxienez, euskaraz izango da, eta gaztelaniaz egiten direnetan euskararen presentzia bermatuko da (idatzizko euskarriak, informazio osagarria, euskaraz galdetzeko aukera bermatzea...). Horrelakoetan aurrez egiten diren iragarkietan zehaztuko da zein hizkuntzatan izango den.

f) Berdintasunerako klausula

Emakumeen eta Gizonen Berdintasunerako eta Emakumeen aurkako Indarkeria Matxistarik Gabeko Bizitzetarako Legearen testu bategina onartzen duen martxoaren 16ko 1/2023 Legegintzako Dekretuaren 23. artikuluan xedatutakoa betetzeko, dirulaguntzak ematean ezarritako betebeharrak bete direla justifikatzeko memorian sexuaren arabera bereizitako informazioa emango zaie emandako zerbitzuaren azken onuradunei edo erabiltzaileei, erakundearen titularrei eta erakundeko plantillari, eta, hala badagokio, dirulaguntzaren xede den zerbitzua emateko kontratatutako erakundeari.

Kontuan hartuko da aipatu plana egiterakoan oinarri izandako erreferentzia aipagarrienak bi hauek direla: EAEko Emakume eta gizonen berdintasunerako Legea eta EAEko emakume eta gizonen berdintasunerako VII. Plana. 1/2023 LEGEGINTZAKO DEKRETUA, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legea.



Andoaingo Udala

HEZKUNTZA ETA KULTURA

Kodea:
2026AAH20032

Lankidetza Hitzarmena Convenio de Colaboración

Dokumentazio guztiak, publizitateak, irudiak edo materialek hizkuntza eta ez sexista erabiliko dute, emakumeak diskriminatzeko edozein irudi edo estereotipo sexista saihestuko dute, eta berdintasun, presentzia orekatu, bestelakotasun, erantzunkidetasun, eta genero-identitate aniztasunerako balioak sustatuko dituzte.

Udalak bultzaturiko edo hartutako genero indarkeriaren aurkako neurri bereziak edo martxan jarritako kanpainak zabaltzen parte hartze aktiboa izango da.

g) Ingurumenaren alorreko klausula: Diru-laguntzaren entitate onuradunak, oro har, ingurumeneko irizpideak hartu beharko ditu ondorengo alorretan: (1) aurrezte eta energia eraginkortasuna, (2) hondakinen frakzio ezberdinen kudeaketa eta bilketa, honek sortzeari aurrea hartzeaz gain, (3) tokiko aniztasunari kalterik ez sortzea (habitat naturalak, espezieak eta prozesu ekologikoak), (4) baliabide naturalak aurrezte (ura, kontsumo iraunkorra), (5) sorturiko hondakin-uren behar bezalako bilketa, (6) mugikortasun iraunkorra sustatzea, eta (7) indarrean dagoen araudiak ezarritako gehieneko mugak gaindiko zaratarik ez sortzea eta herritarrekiko eta ingurumenarekiko kalitate akustikoa bermatzea.

Paperezko euskarrian Udaletxean aurkeztu beharreko dokumentazioari dagokionez, %100ean birziklaturiko papera izango da, batere klororik gabekoa, eta bi aldeetatik inprimatuta.

i) Jarduera eta erabiliko hedabide guztietan (irradi, prentsa, kartel, eskuko programa, etab.) jasota utzi beharko da proiektua finantzatzeko Andoaingo Udalaren lankidetza, esaldi honen arabera: "Andoain Udalaren laguntzarekin". Esaldi horri Herribilduaren armarrria gehituko zaio, hedabidea idatzia bada. Baldintza hori bete beharko da laguntzaile bakarria Andoaingo Udala denean, hala nola babesa beste laguntzaile batzuekin banatzen denean. Azken kasu honetan arestiko esaldiaren tamaina gutxienez erabiliko den handienaren adinakoa izango da.

Egitarauetan, kartel nahiz programetan, Andoaingo Udalaren laguntza azalduko da modu berezi eta argian.

Edozein euskarri inprentara bidali aurretik, Udalari PDF formatuan bidaliko diote honek azken oniritzia eman dezan eta sareetan zabaltzeko dezan.

Behin inprentatik jaso ondoren, paperezko euskarriaren 8na ale Bastero Kulturgunean egoitza duten Udalaren Kultura Lan saileko bulegoetan utziko dira.

Seigarrena: Diru-laguntzari egin beharreko jarraipena eta justifikazioa.

Andoaingo Udalak, Kultura eta Hezkuntza saileko teknikariaren bitartez, jarraipena egingo du eta diru-laguntzaren justifikazioa egokia dela egiaztatuko du, eta, era berean, jarduera gauzatu dela eta diru-laguntza eman edo izateko zehazturiko helburua bete dela.

Diru-laguntzaren entitate onuradunak, 2027/01/15 baino lehen, Udalean aurkeztu beharko du diru-laguntzaren xede duen proiektuaren garapenaren memoria bat. Bertan Andoaingo Oroitz Dantza Taldearen ekimena burutzeko aurreratu diren gastuei buruzko azalpenak emango dira.



Andoaingo Udala

HEZKUNTZA ETA KULTURA

Kodea:
2026AAH20032

Lankidetza Hitzarmena **Convenio de Colaboración**

Gastuak egiaztatuko dira ordain-agirien edo merkataritzako trafiko juridikoan balio frogagarri baliokidea edo administrazio eraginkortasuna duten bestelako dokumentuen bidez.

Jarduerak, diru-laguntzaz gain, finantzatu direnean, norberak dituen diru-sarrerekin edo bestelako diru-laguntzekin edo baliabideekin, justifikazioan zenbatekoa egiaztatu beharko da, nondik datorren eta zein den diru-sarrera horien aplikazioa diruz lagunduriko jardueretan.

- **Gastuak**: izandako gastu guztien likidazio zerrenda bat aurkeztuko da eta zerrendan azaltzen den zenbakiarekin bat etorri behar du gastu hori zurrizteko aurkezten den fakturak edo tiketak.

Likidazioetan ondorengo zurigarriak onartuko dira:

* *Nominak.*

* *Gizarte Segurantzako **RLC** edota **RNT** dokumentuak.*

* *Pertsona fisikoaren errentaren gaineko zergaren aitorpenari buruzko atxikipenen aitorpenaren 110 eta 111 dokumentuak.*

* *Finantza-erakundeek egindako Banku zorpetzeko karguen ziurtagiri edo dokumentuak, faktura baten datuak dituztenak, zenbakia eta seriea izan ezik.*

* *Faktura sinplifikatuak edo tiketak. Bakarrik onartuko dira **400** eurotik beherakoak. Beti ere datu fiskalak barne dituela, ematen duena ondo identifikatuta egon behar du, eta erosketaren kontzeptua identifikatuta azalduko da. Ez dira eskuz idatzitako oharrik onartuko.*

* *Fakturak. Informazio fiskala osoa jaso beharko dute; hau da: ematen eta jasotzen duenaren identifikazioa (izen deiturak, NA edo IZK, helbidea, telefonoa); faktura zenbakia, data, eta BEZ.*

* *Faktura pertsonalak. Faktura emailearen informazioa jasoko dute (izen-abizenak, NA, helbidea, telefonoa), eta PFEZean % 2ko gutxieneko atxikipena izango dute.*

* *Sariak: 300€ edo gutxiagoko sarien kasuan, banku transferentziaren ordainagiria eta epaimahaiaren akta sinatua aurkeztu beharko dira.*

* ***Lokalen alokairuek** edo amortizazioak sortutako gastuak zurrizteko kontratua, jaso agiriak eta transferentzia-agiria aurkeztu beharko dira. Talde batek bere jabetzako lokala erabiltzen badu edo alokairuan badu, kreditu edo amortizaziogatik ordaindutako kopuruen %50 zurriztea onartuko zaio, **3.000 euroko mugarekin**.*

* ***Lokalaren suministroen** kasuan (Telefonoa, gasa, ura, argindarra,...) ezin dute diru-laguntzaren %30 baino gehiago izan, izan ere garrantzitsuena iharduera baita.*

* ***Elkarte bakoitzak du SGAE erakundeari dagokion kopurua ordaintzeko erantzunkizuna.***



Andoaingo Udala

HEZKUNTZA ETA KULTURA

Kodea:
2026AAH20032

Lankidetza Hitzarmena Convenio de Colaboración

- Sarrerak : izandako sarrera guztien zerrenda ere aurkeztuko da eta kontzeptu bakoitzaren zenbatekoa idatziko ere. Sarrera egiaztagarri ofizialik ez dagoenean, emalearen edo hartzailearen zinpeko idatzia aurkeztuko da.

Zazpigarrena: Bateragarritasuna beste diru-laguntza publikoekin.

Hitzarmen honek arautzen duen diru-laguntza bateragarria izango da helburu bera duten bestelako diru-laguntza, laguntza, diru-sarrera edo baliabideekin, bestelako administrazioetatik edo erakunde publikoetatik edo pribatuetatik datozenak.

Dena den, diru-laguntza hau bateraezina da helburu berarentzat Andoaingo Udaletik eta/edo bertako organismo autonomoetatik datozen bestelako diru-laguntzak edo laguntzat hartzearekin. Era horretan, entitate onuradunak uko egiten dio edozein laguntza edo diru-laguntza motari egokituko ahalko litzaiokeena Udalaren departamentuek edo organismo autonomoek diru-laguntzetarako eginiko deialdien arabera.

Hala guztiz ere, emandako laguntzen zenbatekoa, bakarrean edo batera, inola ere ezingo da izan diru-laguntzaren xedearen balioa baino handiagoa.

Zortzigarrena: Hitzarmena ez betetzea eta diru-laguntza itzultzea.

Diru-laguntzaren entitate onuradunak bete beharreko edozein eginkizun ez betetzeak ekarriko du diru-laguntza berrikustea edo indarrik gabe uztea, eta hala balegokio, emaniko diru-kopurua gutxitzea edo itzultzea. Hori guztia aurreikusita dago Ordenantzan eta Legean. Dena den, erantzukizunak eskatu ahal izango zaizkio.

Izaniko ez betetzeak mailakatzeko proportzionaltasun irizpidea erabiliko da.

Ezingo balitz edo interesik ez balego lan garapena jarraitzeko proiektuaren bideragarritasunari edo izaerari atxikiriko arrazoiak edo behar bezala justifikaturikoak bestelakoak direla-eta, bi aldeek adostu ahal izango dute hitzarmena bertan behera uztea edo etetea.

Bederatzigarrena: datu pertsonalak babestea.

Datu pertsonalak tratatuko balira, bi aldeek adosten dute Datu Pertsonalak Babesteko apirilaren 27ko 2016/679 Europako Erregelamenduak eta abenduaren 5eko 3/2018 Lege Organikoak ezarritakoa betetzea.

Hamargarrena: Lan arriskuen prebentzioa.

Diru-laguntzaren entitate onuradunak, proiektuaren edo diruz lagunduriko jardueretan, indarrean dagoen araudia beteko du lan arriskuak prebenitzeko alorrean, azaroaren 8ko 31/1995 Legea, Lan Arriskuen Prebentzioari buruzkoa, eta berau garatzeko araudia.



Andoaingo Udala

HEZKUNTZA ETA KULTURA

Kodea:
2026AAH20032

Lankidetza Hitzarmena **Convenio de Colaboración**

Hamaikagarrena: Araubide Juridikoa.

Hitzarmen honek administrazio izaera du, eta horregatik interpretazioa eta garapena arautuko dira ordenamendu juridiko administratiboak ezarritakoaren arabera.

Hitzarmen honetan jarri gabe geratu diren alderdi guztietan administrazio alorrean indarrean dagoen legeria ezarriko da eta, batik bat, Andoaingo udalean diru-laguntzak ematea arautzeko udal ordenantza, azaroaren 17ko Diru-laguntzei buruzko 38/2003 Lege Orokorrean ezarrikoa uztailaren 21eko 887/2006 Errege Dekretuan, non bertan onartzen den azaroaren 26ko Diru-laguntzei buruzko 38/2003 Lege Orokorrearen Arautegia, urriaren 1eko 39/2015 Legean, Herri Administrazioen Administrazio Prozedura Erkideari buruzkoa eta urriaren 1eko 40/2015 Legean, Sektore Publikoaren Araubide Juridikoari buruzkoa. Subsidiarioki, zuzenbide pribatuko arauak aplikatuko dira.

Hamabigarrena: Eskumeneko Jurisdikzioa.

Aldeen artean sor daitezkeen auziak ebazteko eskumena izango dute Administrazioarekiko auzien Donostiako Epaitegiek, eta, era horretan bi aldeek onartzen dute epaitegi horien lurralde-eskumena.

Aurreko guztiarekiko adostasuna erakusteko, parte hartzen duten aldeek hitzarmen hau sinatzen dute, bi aletan eta eragin bakarrerako, idazpuruan adierazten den idazpuruan.

Lurpean gordetako historia Oroituz Andoainen
Taldearen Izenean
Rosa M^a Arteaga Mendizabal

Hezkuntza eta Kulturako Zinegotzi Ahalduna
Marta Lasa Goñi

Fede ematen du,
IDAZKARIA
Unai Rekondo



EKS | CSV: ESKU34508a6f-d0a7-46e6-b0dd-7734f4551ddd

Egiaztatu dokumentu honen osotasuna eta sinadura hurrengo URL edo QR kodean sartuz: <https://udal.egoitza.gipuzkoa.eus?De=00910>

Compruebe la integridad y firma de este documento, accediendo a la siguiente URL o código QR: <https://udal.egoitza.gipuzkoa.eus?De=00910>